



Sakspapir

Sakshandsamar	Arkiv	ArkivsakID
Gjermund Hagesæter		20/407

Saksnr	Utval	Type	Dato
081/20	Formannskapet	PS	13.10.2020

Kulturmidlar 2020

Vedlegg:

Tildelingsreglement kulturmidlar

Saksutgreiing:

Bakgrunn

Fedje kommune har kr 110 000,- i kulturmidlar som vert delt ut årleg. Lag og organisasjonar med aktivitet på Fedje kan søkje om tilskot frå desse midlane. I år har Fedje kommune motteke 13 søknader innan fristen, og det har vore søkt om kulturmidlar for til saman 210 000,-.

Oversikt over dei som har søkt, sum og formål:

Lag eller organisasjon	Sum	Formål
Stormark Grendahus	Kr 20 000,-	Drift, oppgradering elektrisk anlegg
Vesttun Bygdelag	Kr 20 000,-	Drift, faste utgifter
Fedje Indremisjon	Kr 20 000,-	Drift, oppussing
Fedje Musikkorps	Kr 40 000,-	Instrumentar og dirigentutgifter
Fedje Idrettslag	Kr 30 000,-	Drift, div utgifter, aktivitetsløype, oppgradere skur
Between	Kr 5 000,-	Drift og utstyr
Fedje Dungeons and Dragons	Kr 5 000,-	Bøker, spelebrett mm.
Yoga Dar Sø	Kr 5 000,-	Utstyr og husleie til yoga-arrangement for ungdom
Fedje Rockeklubb	Kr 15 000,-	Innkjøp og vedlikehald av utstyr og instrument
Feiekostane	Kr 15 000,-	Dirigentkostnader
Koral	Kr 10 000,-	Digitalisering notar, arrangement, øvingshelg mm.
Fedje historielag	Kr 15 000,-	Kystsogevekearr. , bok om båtar
Fedje teaterlag	Kr 10 000,-	Lydutstyr (myggar), kurs/instruktør

Fordelinga av kulturmidler er teke på bakgrunn av tildelegeringsreglement vedteke i Fedje kommunestyre 03.09.03

- Sak 047/03 (vedlagt).



Fedje kommune

Vurdering

I følge § 11 i tildelingsreglementet skal: *tilskot frå kulturmidlane skal ikkje gå til lag/ organisasjonar som berre driv og/ eller leiger ut bygg.*

Stormark grendahus har søkt om 20 000 til oppussing av elektrisk anlegg. Stormark grendahus har få eige arrangement og driv i stor grad med utleige og drifting av bygg. Rådmannen føreslår å dele ut kr 3 000,- til Stormark grendahus. Jfr § 11 i tildelingsreglementet.

Vesttun bygdelag har søkt om kr 20 000,- til faste driftkostnader. Bygdelaget har få eige arrangement og driv i stor grad med utleige og drifting av bygg. Rådmannen føreslår kr 3 000,- til Vesttun bygdelag. Jfr § 11 i tildelingsreglementet.

Fedje indremisjon har søkt om 20 000 til oppussing og drift av bedehuset. Ungdomsklubben Between, som er tilknytta Nordhordland Indremisjon, har søkt eige tilskot. Rådmannen føreslår å dele ut kr 3 000,- til Fedje indremisjon. Jfr § 11 i tildelingsreglementet.

§ 10 i tildelingsreglement lyder: *Lag/ organisasjonar som driv aktivitetar for, eventuelt med, bom og ungdom vil verta prioritert.*

Fedje idrettslag har 49 medlemmar under 18 år og har søkt om å få 30 000 kr i tilskot til «drift av idrettslaget; betaling av kontingentar, forsikringar, reise til bortekampar/turneringar, treningustyr, samt dommaravgiftar.» Idrettslaget nemner vidare i søknaden sin at dei har planar om å lage aktivitetsløype samt oppgradere skuret på fotballbana, som i praksis vert brukt til garderobe. Det vart søkt og mottatt midlar eksplisitt til å pusse opp skuret i 2017. Planane vart også nemd i søknaden frå 2018.

I tildelingsreglementet § 6 heiter det: *Lag og organisasjonar som bryt med intensjonen med bruken av dei tildelte midlane, kan vert nulla ved neste års tildeling (...).*

Rådmannen foreslår ikkje at Fedje idrettslag skal verta nulla ut, men legg til grunn at midlane vert brukt til det som er intensjonen. I år har idrettslaget hatt minimalt utgifter til driftkostnader som dommar, reise og turneringar grunna situasjon med korona. Rådmannen føreslår å tildele idrettslaget kr 27 000,- og legg til grunn at midlane vert nytta til å oppgradere skuret på fotballbana.

Fedje musikkorps har søkt om kr 40 000,- til nye instrumentar samt dirigentutgifter. Fedje musikkorps har 12 medlemmar under 18 år og er ein viktig institusjon i Fedje kommune. Men på grunn av begrensa midlar å dele ut, er det krevjande å kome musikkorpset i møte med den summen dei søker om. Rådmannen føreslår at Fedje musikkorps får tildelt kr 20 000,-.

Ungdomsklubben Between som er tilknytta Nordhordland indremisjon har søkt eit tilskot på kr 5 000,- kr til drift og utstyr. Rådmannen føreslår at denne summen vært tildelt.

Yoga Dar Sør ønskjer midlar til leige av lokaler og utstyr til arrangement for barn og unge. Yoga Dar Sør er ei bedrift, ikke eit lag eller ein organisasjon. Samtidig vert det søkt om midlar til eit tilbod som kan gjere eit fritidstilbod, yoga, lettare tilgjengeleg for barn og unge i Fedje kommune. Rådmannen meiner, på usikkert grunnlag, at dette dermed bør vere foreneleg med tildelingsreglementet. Difor



Fedje kommune

føreslår rådmannen at Yoga Dar Sør får kr 4 000,- i tilskot, og legg til at grunn midlane utelukkande vert nytta til tiltak for barn og unge.

Fedje Dungeons and Dragons Klubb ønskjer å etablere seg som ny aktør for ungdom på Fedje. Dei søker kr 5 000,- i midlar til bøker, spele Brett og anna utstyr dei treng til dette. Det er positivt med nye typer tilbod retta mot barn og unge, i dette tilfelle ein spelklubb som ikkje liknar noko tilbod som eksisterer på Fedje i dag. Rådmannen føreslår difor at Fedje Dungeons and Dragons klubb får kr 5 000,- i tilskot, same sum dei har søkt om.

I tillegg har ei del aktørar med flest vaksne medlemmer søkt kulturmidlar.

Fedje teaterlag har søkt om kr 8 000,- til oppgradering av lydutstyr og utgifter til instruktør. Fedje teaterlag har årleg revy til glede for mange, både vaksne og barn. Dei har også eit medlem under 18 år. Rådmannen føreslår at teaterlaget får kr 7 000,- i tilskot, noko mindre enn kva dei søker om grunna begrensa midlar å dele ut.

Fedje Rockeklubb søker om kr 20 000,-. Rockeklubben peikar at dei ofte har ansvar for lyd når det er arrangement i Fedje kommune, som kjem mange innbyggjare til nytte, både vaksne og barn. Dette er ein viktig jobb. Grunna begrensa midlar å dele ut føreslår rådmannen eit tilskot på kr 8 000,- til vedlikehald og innkjøp av utstyr.

Koret **Fedjekostane** søker om kr 15 000,- i tilskot til dirigent. Dei peiker på at dei har over kr 90 000,- i kostnader til dirigent årleg. Dette er eit kor som engasjerer og gleder mange, både vaksne og barn, med t.d. konsertar og arrangement. Me har forståing for at det er dyrt med dirigent. Rådmannen føreslår at Fedjekostane får kr 11 000,- i tilskot til dirigent.

Koret **Koral** har søkt om kr 10 000,- til ulike aktivitetar inkludert digitalisering av notar. Dette er eit kor som er til glede for mange innbyggjare, både vaksne og barn, med t.d. konsertar. Rådmannen føreslår kr 7 000,- til Koral i tilskot til tiltaka dei nemner.

Fedje historielag har søkt om kr 15 000,-, til arrangement tilknytt kystsogeveke og arbeid med bok om gamle og nye Fedjebåtar. I år vart det ikkje kystsogeveke grunna korona, men rådmannen føreslår at historielaget får kr 7 000,- til arbeid med bok.

Folkehelse: Fleire av laga og organisasjonane har aktivitet som er relevant for folkehelsa. Miljø: Ikkje relevant i denne saka

Økonomi: I tråd med § 5 i tildelingsreglement har alle laga og organisasjonar som vert tilråda innvilga kulturmidlar levert reknskap frå føregåande år.

Konklusjon

Dei fleste får mindre enn dei har søkt om, grunna avgrensa midlar til rådvelde. Bygdelaga og Fedje indemisjon får i tråd med § 11 vesentleg mindre enn dei har søkt om. Lag og organisasjonar med høg og jamn grad av aktivitet for og med barn og unge vert prioritert, jamfør § 10 i tildelingsreglementet.



Fedje kommune

Forslag til vedtak:

Kulturmidlane vert fordelt på følgjande måte:

Stormark Grendahus:	Kr 3000
Vesttun Bygdelag:	Kr 3000
Fedje Indremisjon:	Kr 3000
Fedje Musikkorps:	Kr 20 000
Fedje Idrettslag:	Kr 27 000
Between:	Kr 5000
Fedje Dungeons and Dragons:	Kr 5000
Yoga Dar Sø:	Kr 4000
Fedje Rockeklubb:	Kr 8000
Feiekostane:	Kr 11 000
Koral:	Kr 7000
Fedje Historielag:	Kr 7000
Fedje teaterlag:	Kr 7000

Formannskapet - 081/20

F - behandling:

Hans Erik Waage bad om å få vurdert sin habilitet sidan han er leiar i Fedje musikkorps, som er ein av søkerane. Waage gjekk ut av møtet medan habiliteten vart vurdert. Waage vart samrøystes vedteke å vere ugild etter forvaltningslova § 6,1.ledd bokstav e). Vara Gidske Borge trådde inn i møtet for å behandle saka.

F - vedtak:

Kulturmidlane vert fordelt på følgjande måte:

Stormark Grendahus:	Kr 3000
Vesttun Bygdelag:	Kr 3000
Fedje Indremisjon:	Kr 3000
Fedje Musikkorps:	Kr 20 000
Fedje Idrettslag:	Kr 27 000
Between:	Kr 5000
Fedje Dungeons and Dragons:	Kr 5000
Yoga Dar Sø:	Kr 4000
Fedje Rockeklubb:	Kr 8000
Feiekostane:	Kr 11 000



Fedje kommune

Koral:	Kr 7000
Fedje Historielag:	Kr 7000
Fedje teaterlag:	Kr 7000

Samrøystes vedteke.